

Número de registre 6377

## **CONSELH GENERAU D'ARAN**

*Edicte d'aprobacion des bases e era convocatòria des ajudes as esportistes estudiants d'Aran entath cors academic 2017/2018*

Eth Conselh de Govèrn deth Conselh Generau d'Aran, en session extraordinària de 7 d'agost de 2017, aprovèc iniciauments es bases reguladores dera concession d'ajudes as esportistes estudiants d'Aran entath cors academic 2017/2018. Es determinacions basiques dera convocatòria son es següentes:

**Normativa reguladora**

Bases especificques reguladores entar autrejament d'ajudes as esportistes estudiants d'Aran entath cors academic 2017/2018.

**Crèdit pressupostari**

Era despena d'aguesta convocatòria anarà a cargue dera aplicacion pressupostària 01.341.481.01 deth pressupost generau vigent dera Corporacion entar exercici 2017.

**Objècte, condicions e finalitat**

Era concession d'ajudes e subvencions economicques qu'autrege eth Conselh Generau d'Aran as joeni esportistes d'Aran qu'agen projeccion entath nau nivèl esportiu, qu'a coma objectiu motivar era contunhutad dera sua carrèra esportiva mentre estudièn entar assoliment dera categoria d'esportistes de naut rendiment en un futur.

Er àmbit temporau comprenrà eth cors academic 2017/2018.

**Règim d'autrejament**

Concurrència competitiva en foncion des barems establidi en article 11au des bases.

**Requisits des beneficiaris entà sollicitar era subvencion**

Es que mèrquen es apartats 3 e 4 des bases especificques.

**Organs competents entara instruccion e resolucion deth procediment**

Era instruccion se realizarà per part deth Departament d'Espòrts deth Conselh Generau d'Aran, e serà eth Conselh de Govèrn deth Conselh Generau d'Aran qui resolverà era convocatòria mejançant resolucion motivada.

**Tèrme de presentacion de sollicituds**

Enquiath 30 de seteme de 2017.

**Tèrme de resolucion e notificacion**

Dus (2) mesi des dera finalizacion deth tèrme de presentacion de sollicituds.

**Documentacion e informacion qu'aurà d'inclodir era peticion**

Se determinen en article 7au des bases especificques.

**Critèris d'avaloracion des sollicituds**

Se determinen en article 10au des bases especificques.

**Regim de recorsi**

Er acòrd de resolucio dera convocatòria met fin ara via administrativa.

**Mieis de publicitat**

BOP de Lleida e en lòc web deth Conselh Generau d'Aran.

**Publicitat des bases**

Es bases especificas entara convocatòria d'ajudes as esportistes estudiants d'Aran entath cors academic 2017/2018 publicades damb aguesta convocatòria se sotmeten a informacio publica per tèrme de vint (20) dies, a compdar de londeman ara publicacio d'aguest anunci en BOP e en taulèr d'anoncis dera corporacio, ar efècte qu'es personas interessades poguen examinar-lo e presentar possibles reclamacions e/o allegacions. Se passat aguest tèrme non s'an presentat reclamacions ne allegacions en contra, aguestes bases s'enteneràn definitivament aprovades sense besonh d'ulterior acòrd.

Bases especificas entar autrejament d'ajudes as esportistes estudiants d'Aran entath cors academic 2017/2018

**Article 1. Objècte**

Er objècte d'aguestes bases ei regular era concessio d'ajudes e subvencions economicas qu'autrege eth Conselh Generau d'Aran as joeni esportistes d'Aran qu'agen projeccio entath nau nivèl esportiu, e a coma objectiu motivar era contunhutat dera sua carrèra esportiva mentre estudièn entar assoliment dera categoria d'esportistes de naut rendiment en un futur.

**Article 2. Nòrmes generaus**

Era ajuda individuau l'a de sollicitar er esportista, o era familha se ei menor d'edat, mejançant eth modèu establìt as efèctes e er autrejament se determine en foncion des règles deth barèm qu'establiessen aguestes bases, eth quau a en compde eth nivèl esportiu actuau e era situacio academica. Entà poder avalorar era situacio cau presentar era documentacio que se demane en apartat 7.3 d'aguestes bases.

**Article 3. Beneficiaris**

Son beneficiaris es joeni aranesi qu'estudièn ensenhaments obligatòris (ESO) o post obligatòris (Cicles Formatius o Estudis Universitaris), entre es 12 e es 22 ans, e que siguen esportistes en actiu.

Ad aguest efècte, calerà qu'es beneficiaris siguen residents en Aran, damb un empadronament minim en quaqu'un des municipis aranesi pendent un minim des dus (2) ans immediatament anteriors ad aguesta convocatòria.

**Article 4. Requisits o condicions**

4.1. Es beneficiaris an de complir es requisits següents:

A. Auer presentat enes tèrmes establìdi, era sollicitud e era documentacio sollicitada. Totes aqueres sollicituds entregades dehòra de tèrme sense causa justificada se consideraran denegades. Sonque s'acceptaran es sollicituds que complisquen damb çò qu'establìs eth punt 10.2 d'aguestes bases.

B. Èster esportistes en actiu e obtier era puntuacio minima fixada entà cada tipe de beca ena taula der article 10.

C. Èster matriculadi en quaqu'un des estudis especificats en article 3 d'aguestes bases e complir damb es es condicionants fixats ena basa 10.2.b).

4.2. Non se poderàn acuelher ad aguesta convocatòria es joeni que figuren en BOE o en DOGC coma esportistes de naut nivèl, tostemps e quan es esportistes catalogats reciben ajudes economicas dirèctes

deth Consell Català de l'Esport o deth Consejo Superior de Deportes, donques s'entèn que dejà an obtingut er objectiu principau entath quau s'establiessen aguestes ajudes deth Conselh Generau d'Aran.

4.3. Era ajuda serà compatible damb quinsevolh auta ajuda que se pogue recéber, pera madeisha finalitat, d'outes entitats o persones publiques o privades, en tot exceptuar es contractes de patrocini qu'establís eth Conselh Generau d'Aran entara difusion internacionau d'Aran a través der espòrt. En cap cas er impòrt dera ajuda concurrent non poirà superar eth còst dera activitat que realizen es esportistes.

#### Article 5. Impòrt des ajudes e finançament

Er impòrt dera ajuda individuau que pertòque a cada beneficiari depèn deth tipe de beca obtingut segontes es punts des taules de barèm expausades en aguestes bases.

TIPE DE BECA	IMPÒRT
Beca A	1.500,00 €
Beca B	750,00 €

Er autrejament dera ajuda ei limitat ara disponibilitat pressupostària deth Conselh Generau d'Aran ena aplicacion pressupostària 01.341.481.01 deth pressupòst generau vigent dera Corporacion entar exercici 2017, enquiara quantitat maxima de dètz-e-nau mil èuros (19.000,00 €).

#### Article 6. Comission Tecnica d'avaloracion

Se cree ua Comission Tecnica d'Avaloracion qu'aurà coma objectiu avalorar totes es peticions e hèr era prepausa d'autrejament des ajudes. Així mateix, serà era encargada de hèr eth seguiment des ajudes autrejades.

Era Comission Tecnica d'Avaloracion ei compausada peth Conselhèr competent en matèria d'Espòrts deth Conselh Generau d'Aran, eth Secretari generau, er Interventor de hons, un professionau der ambit der espòrt designat en moment dera convocatòria e per un funcionari dera Corporacion, qu'actuarà coma secretari.

#### Article 7. Procediment

7.1. Eth Conselh Generau d'Aran darà informacion, facilitarà es bases e es formularis dera presenta convocatòria a quinsevolha persona que sigue interessada ena ajuda.

7.2. Es families e/o usatgèrs interessadi en recéber era ajuda auràn de hèr era sollicitud damb eth formulari normalizat que s'adjunh coma anèx 1, on constarà era demanda concreta e se presentarà en Registre d'entrada deth Conselh Generau d'Aran.

7.3. Damb era sollicitud auràn de presentar era documentacion següenta:

##### 1. Documentacion generau

A) Formulari de sollicitud des ajudes as esportistes estudiants d'Aran segontes modèl normalizat (s'adjunh coma annèx 1).

B) Fotocòpia compulsada deth DNI/NIE/passapòrt der esportista.

C) Fotocòpia compulsada deth DNI/NIE/passapòrt deth pare/mare, tutor/a o persona responsabla der esportista, en cas de tractar-se d'un menor.

D) Fotocòpia compulsada deth libre de familia, en cas de tractar-se d'un menor. Se non n'a, calerà presentar fotocòpia deth certificat de neishença.

E) Certificat historic d'empadronament.

## 2. Documentacion específica

A) Certificat d'ua entitat esportiva on cònte qu'er esportista a era licència esportiva e on figuren es resultats esportius que s'utilizaràn entara puntuacion.

B) Certificat deth centre educatiu on cònte qu'eth beneficiari ei matriculat en cors actua e qu'a superat eth cors anterior.

7.4. Un còp rebudes es instàncies, es tecnicos deth Conselh Generau d'Aran, damb prealable estudi des besonhs deth cas, redigiràn un informe en tot aplicar es barèms d'aguestes bases e lo presentaràn ara Comission Tecnica d'Avaloracion entà que sigue avalorat e se hèsque era prepausa d'autrejamet d'ajudes ath Conselh de Govèrn deth Conselh Generau d'Aran, que serà er organ encargat dera resolucio d'aguestes ajudes.

## Article 8. Condicions der autrejamet

Er autrejamet dera ajuda ei entà un (1) cors academic (2017/2018) e non se prorrògue ne pressupòse er autrejamet entà cap auta anualitat.

## Article 9. Tèrme de presentacion de sollicituds

9.1. Es sollicituds de subvencio se poderàn presentar laguens des tèrmes que s'establisquen en acòrd de convocatòria d'aguestes subvencions.

9.2. Es sollicituds e era rèsta de documentacion requerida, se presentarà en Registre deth Conselh Generau d'Aran o pes mieis qu'establís er article 16.4 dera Lei 39/2015, deth Procediment Administratiu Comun des Administracions Publiques, laguens deth tèrme establít ena basa 10.1

## Article 10. Critèris entar autrejamet des ajudes

Entar autrejamet des ajudes as esportistes estudiants d'Aran se tierà en compde era puntuacion arenhuda e era superacion des estudis, segontes es criteris següents:

10.1 Entath calcul deth nivèl esportiu se puntuarà ar esportista segontes era taula der article 11 d'aguestes bases, en tot préner coma referéncia es mielhors resultats arenhuts en cada grop de competicio ena darrèra sason esportiva finalizada immediatament anteriora ara data de presentacion dera sollicitud. Es tres (3) puntuacions obtingudes se somaràn e s'obtierà un totau. Es punts totaus minims a obtier entà cada tipe de beca e edat son es següents:

EDAT	BECA A	BECA B
Menors de 18 ans	11 punts o mès	7 punts o mès
De 18 a 22 ans	19 punts o mès	11 punts o mès

10.2 Entà establir era situacion academica, calerà auer es dues condicions següentes:

A) Corsar actuaument quaqu'un des estudis establits en article 3 d'aguestes bases.

B) Auer aprovat eth percentatge d'assignatures que s'indiquen ara seguida:

- En cas d'èster corsant estudis d'ESO o Bachilerat, auer aprovat eth 80% des assignatures matriculades en cors anterior ar actua.

- En cas d'èster corsant estudis universitaris:

Carrères tecnicas: Ester matriculadi en un minim deth 50% de assignatures e auer aprovat eth 70% des credits matriculadi en cors anterior ar actua

Carreres umanístiques, socials, lletres: Ester matriculadi en un mínim deth 50% de assignatures e auer aprovat eth 80% des credits matriculadi en cors anterior ar actuau

#### Article 11. Barèms de puntuacion

Entar autrejament des ajudes as esportistes estudiants de l'Aran entath cors academic 2017/2018 se tierà en compde era puntuacion generau obtenguda, d'acòrd damb çò que seguís:

Es barems que seguissen, dat que perseguissen eth madeish objectiu, son es madeishi qu'es definites en Decret 337/2002, de 3 de deseme, sus eth nau rendiment esportiu, deth Departament de Cultura dera Generalitat de Catalunya, segontes era taula 1 relativa as espòrts individuaus sense enfrontament eliminatòri dirècte, e en tot considerar es grups 1, 2 e 3 coma competicion internacionau, eth grup 4 coma estatau e eth grup 5 coma autonòmica.

#### A) Taula de puntuacion segontes resultats esportius entà menors de 18 ans:

GROP DE COMPETICION	1ÈR-3AU LòC	4AU-8AU LòC	9AU-16AU LòC	PARTICIPACION
Internacionau	10 punts	5 punts	3 punts	2 punts
Estatau	5 punts	3 punts	2 punts	1 punt
Autonòmica	3 punts	2 punts	1 punt	0 punts

#### B) Taula de puntuacion segontes resultats esportius entà 18 a 22 ans:

GROP DE COMPETICION	1ÈR-3AU LòC	4AU-8AU LòC	9AU-16AU LòC	PARTICIPACION
Internacionau	25 punts	10 punts	5 punts	3 punts
Estatau	10 punts	5 punts	3 punts	2 punts
Autonòmica	5 punts	3 punts	2 punts	1 punt

C) Entà competicion internacionau se consideraràn es campionats e es pròves des copes o ligues oficials dera federacion internacionau e europèa. Atau madeish, tanben s'i incluiràn d'autes pròves internacionaus se non existís eth campionat o era copa corresponenta ara categoria der esportista, tostemp e quan siguen es més relevantes dera federacion internacionau, i participen coma mínim 3 païsi, seleccions e esportistes plaçats entre es dètz melhors deth ranquing mondiau dera categoria.

D) Entà competicion estatau se consideraràn es Campionats d'Espanya e es resultats finaus dera Copa/Liga d'Espanya dera categoria corresponenta ar esportista.

E) Entà competicion autonòmica se consideraràn es Campionats de Catalunya e es resultats finaus dera Copa/Liga Catalana dera categoria corresponenta ar esportista.

#### Article 12. Ajudes excepcionaus

A criteri dera Comission Tecnica d'Avaloracion, se poderàn autrejar ajudes excepcionaus quan per motius de lesion der esportista o d'autes situacions extraordinàries no s'artenhe era puntuacion minima establida, tostemp e quan i age donades de sasons anteriores que poguen justificar eth nivèl esportiu e se complisquen es condicions academiques.

#### Article 13. Organ resolutori

Eth Conselh de Govèrn deth Conselh Generau d'Aran damb era prepausa dera Comission Tecnica d'Avaloracion dictarà era resolucio sus er autrejament des ajudes.

#### Article 14. Notificacion

Era resolucio serà notificada as personas interessades.

**Article 15. Forma de pagament**

Es ajudes es formalitzaran en un solet pagament en tèneme d'un (1) mes a comptar dera resolució d'autrejamet dera subvenció.

Era quantia dera subvenció se harà efectiva damb era prelabla retenció legau der Impòst sus era Renda des Persones Físiques (IRPF) d'acòrd damb era normativa legau vigenta.

**Article 16. Tractament des donades**

En aplicació de çò qu'establís er article 5 dera Lei Organica 15/1999, de 13 de deseme, de protecció de donades de caràter personau, cau informar qu'es donades de caràter personau que s'an de facilitar entà obtier aquesta subvenció s'incluràn enes sistemes de tractament de donades deth Conselh Generau d'Aran e auràn coma finalitat era avaloració der accés as ajudes, e es unics destinataris seràn es òrgans gestors indicats en aquestes bases.

**Article 17. Tèneme de resolució e notificació**

Eth tèneme maxim entà resòlver serà de dus (2) mesi a comptar dera finalizació deth tèneme de presentació de sollicituds. Era manca de resolució laquens d'aquest tèneme aurà caràter desestimatóri.

**Article 18. Transparència**

Es persones beneficiàries d'aquestes subvencions s'obliguen a dar compliment ara Lei 19/2014, de 29 de deseme, de transparència, accés ara informació pública e bon govèrn enes tèrmes en que les sigue aplicable.

**Article 19. Fin dera via administrativa**

Er acte de resolució dera subvenció acabe era via administrativa. Cossent damb çò que dispause er art.123 e 124 dera Lei 39/2015 deth Procediment Administratiu Comun des Administracions Públiques, se poirà interpausar recors potestatiu de reposició en tèneme d'un (1) mes a comptar deth següent ath dera recepció dera notificació, o ben dirèctament recors contenciós administratiu dauant deth Jutjat Contenciós Administratiu de Lleida.

**Article 20. Normativa supletòria**

En tot çò non previst en aquestes bases específiques seràn d'aplicació es Bases Generaus d'autrejamet de subvencions deth Conselh Generau d'Aran, era Lei 38/2003, de 17 de noveme, Generau de Subvencions, e eth Reiau Decrèt 887/2006, de 21 de junhsèga, peth quau s'apròve eth Reglament dera Lei Generau de Subvencions

Vielha, 8 d'agost de 2017

El síndic, Carlos Barrera Sánchez

**Sollicitud d'ajudes individuas as esportistes estudiants d'Aran**

Donades der esportiste o dera persona qu'ei titular dera pàtria potestat o tutèla (en cas de menors)

Cognòms e nòm.....  
 DNI/NIE/passaport.....  
 Adreça.....  
 Població.....  
 Còdi postau.....  
 Telefòns de contacte.....

Donades dera/des persona/es beneficiària/es

COGNÒMS E NÒM	DATA DE	CORS ACADEMIC	ESPORT	CLUB
---------------	---------	---------------	--------	------

	NEISHEMENT	2017/2018		

Declarí jos era mia responsabilitat:

Que son cèrtes es donades consignades en aguesta sollicitud e sò coneishedor dera obligacion de comunicar ath Conselh Generau d'Aran quinsevolha variacion que se podesse produsir d'ara entà deuant.

Autorizi:

Ath Conselh Generau d'Aran, entà qu'en cas d'autrejamet dera ajuda, l'ingrèsse dirèctament en següent numerò de compde:

ENTITAT BANCÀRIA O CAIXA D'ESTALVIS	<input type="text"/>		
CÒDI D.C. PAÍS	<input type="text"/>	<input type="text"/>	<input type="text"/>
CODI ENTITAT	<input type="text"/>	<input type="text"/>	<input type="text"/>
OFICINA NUMERÒ	<input type="text"/>	<input type="text"/>	<input type="text"/>
D.C. COMPDE CORRENT	<input type="text"/>	<input type="text"/>	<input type="text"/>

Ath Conselh Generau d'Aran entà que pogue demanar informacion a d'outes administracion publiques entà poder autrejar era concession d'aguestes ajudes.

Ath Conselh Generau d'Aran a facilitar es donades aportades a quinsevolha auta administracion o organisme a condicion que se requerisque exprèssament entath compliment des sues obligacions especificques.

Solliciti:

A traùs dera signatura dera presenta sollicitud e damb era documentacion requerida entà participar en aguesta convocatòria, que se dongue cors ara mia sollicitud d'ajuda individuau as esportistes estudiants d'Aran.

Vielha, ..... de.....de 20.....

SINDIC D'ARAN

Documentacion generau que cau liurar damb era sollicitud:

1. Documentacion generau

A) Formulari de sollicitud des ajudes as esportistes estudiants d'Aran segontes modèl normalizat (s'adjunh coma annèx 1).

B) Fotocòpia compulsada deth DNI/NIE/passapòrt der esportista.

C) Fotocòpia compulsada deth DNI/NIE/passapòrt deth pare/mare, tutor/a o persona responsabla der esportista, en cas de tractar-se d'un menor.

D) Fotocòpia compulsada deth libre de família, en cas de tractar-se d'un menor. Se non n'a, calerà presentar fotocòpia deth certificat de neishença.

E) Certificat istoric d'empadronament.

## 2. Documentacion específica

A) Certificat d'ua entitat esportiva on cònste:

- Qu'er esportista a era licència esportiva
- Es 3 melhors resultats esportius entà cada grop de competicion (internacionau, estatau, autonòmica) dera sason 2014-2015 (o dera darrèra sason dejà finalizada), que s'utilizaràn entara puntuacion.

B) Certificat deth centre educatiu on cònste:

- Qu'eth beneficiari ei matriculat en cors 2017/2018.
- Es nòtes o era certificacion qu'a superat eth cors 2015/2016.

En compliment dera Lei 15/1999, de 13 de deseme, de Proteccion de Donades de Caractèr Personau (LOPD), l'informam qu'es donades que mos proporcione autan en aguest moment coma posteriorament e aqueres qu'obtiengam pendent era vigència deth madeish, seràn objècte de tractament e s'incorporen en fitxer denominat "SUBVENCIONS" eth responsable deth quau ei eth Conselh Generau d'Aran, damb demorança en Vielha, Passeg dera Libertat num. 16.

Es destinataris dera informacion son toti es departaments enes quaus s'organize eth responsable e era finalitat dera recuelhuda ei eth tractament des donades personaus de besonh entara tramitacion des subvencions atreujades peth Conselh Generau d'Aran, atau com eth sòn mantienement, desvolopament, compliment, contròtle, shampliment e melhora.

Damb era signatura deth present document, atau com damb era remission de quinsevolha informacion mejançant quinsevolh tipe de formulari, en papèr o electronic, per correu postau o electronic, fax, SMS o d'auetes mieis equivalents, er usatgèr prèste exprèssament e de forma inequívoca eth sòn consentiment (art. 6 LOPD) entà que totes es sues donades de caractèr personau siguen incorporades se ei de besonh en fitxer deth responsable e tractades damb es finalitats establides.

Er afectat poderà dirigir-se ath responsable entà exercir es sòns drets d'accés, rectificacion, cancellacion e oposicion ath sòn tractament e cession, atau com eth dret a revocar eth consentiment, per miei d'ua sollicitud escrita e signada dirigida ara Secretaria deth Conselh Generau d'Aran. Era sollicitud aurà de contier eth nòm, cognòms, domicili as efèctes de notificacions, còpia deth DNI o document analòg e quin ei eth dret que se vò exercitar.